


PINIARNEQ 2024

JAGTINFORMATION OG FANGSTREGISTERING



HUSKI

Du skal rapportere din fangst

senest den 15. oktober.

Dette samt ansøgning/fornyelse om nyt jagtbevis,

kan du gøre ved selvbetjening på www.sullissivik.gl

eller hos Kommunens BorgerService

PINIARNEQ 2024

AALLAANIARTUNUT PAASISSUTISSAT PISANILLU NALUNAARSUIFFIIT



EQQAAMAJUK!

**Pisatit kingusinnerpaamik oktobarip
15-iani nalunaarutigissagakkit.**

Tamanna kiisalu piniarnermut allagartamik nutaamik qin-
nuteqarneq imminut sullinnikkut www.sullissivik.gl-imi
imaluunniit kommunip sullissiviani pisinnaavoq

IMARSIORNERMI ISUMANNAALLISAANEQ



MAALAKKERSUISUT
GOVERNMENT OF GREENLAND



Nalunermik iinniari.



Aallanginninni silassaq sikullu pillugit nalunaarutit internetimi KNR-imiluunniit misissukkit.



Atisat oqortut eqqaamakkit.




Annanniutit nassakkit.



Sumkarniarnerlutit tamatigut iisimatitsissutiguk. Taamaaliornikkut nassaariuminarnerussaait.



Ipuniti orussamaatillu eqqaamakkit.



VHF, GPS, pujorsiu, qinnuar-taat aamma imaanut nunap assinga eqqaamakkit.



Angallat kinnguppat angallatip eqqaangiinnarit.



Angalaninni sila qanoq innersoq maluginiaruk. Allangoriataarsinnaavoq.



Angalareerlutit tikikkuit inuit iisimatinnissaat eqqaamajuk.




Husk at underrette dine pårørende, når du kommer tilbage fra sejlsads.




Vær opmærksom på vejforhold under sejlsadsen. Det kan skifte hurtigt.



Bliv ved båden, hvis den kæntrer.




Husk VHF, GPS, kompas, spotsender og søkort.



Husk årer og ekstra brændstof.



Oplys altid, hvor du tager hen. Så er du nemmere at finde.




Medbring redningsudstyr.



Husk varmt tøj.



Undersøg vejforhold og ismeltinger på nettet eller KNR, før du sejler.



Lær at svømme.

MAALAKKERSUISUT
GOVERNMENT OF GREENLAND



SIKKERHEDSRÅD TIL SØS

KALAALLIT NUNAANNI PINIARNERMI ILEQQORISSAARNEQ

PINIARNERMI EQQAAMASASSAT:

- 1) **Inatsisit atuuttut malikkrit** – Piniarneq tamarmi inatsisit atuuttut naapertorlugit ingerlanneqassaaq. Taamaattumik piniarnissamut piffissaliussat, nunat piniarfissat pisassiissutillu atuuttut paasiinakkit, aamma illit kommunerisavit iluani aalajangersarneqartut. Nunat eqqissimatitat timmiaqarfíillu eqqaanniúttut sumiíffíit timmissanik illersuiffiusut ataqqikkrit, timmissat eqqissillutik piaqqisinnaaqqullugit taamaalillutillu amerliartorsinnaaqqullugit.
- 2) **Aallaammik piniakkannut naleqquttumik atugaqarrit, pissaanaveersaarit ungoorinallu** – Uumasup pisariaqanngitsumik naalliutsinneqannginnissaa piniarnerup nuannersuuneranut ilaavoq. Taamaattumik aallaasini sulloqqortussutsip eqqortup atorneqarnissaa pingaaruteqarpoq, isumannaatsumillu ungasippallaanngitsumiit seqqortuaannartarít. Uumasut pissanneqassanngíllat aattukkavíllu assartornissaa qanillisarniaannarlugu ungoorissanngíllat.
- 3) **Pisatit tigusinnaasatillu tamaasa tigusassavatit** – Nunatsinni inoqutigínnut, atisanut aamma eqqumiútsuliornikkut atortussiassanik atuínitsinni uumasup tamarmiusup atorneqarnissaa ileqqoraarput. Taamaattumik pisaqaruit neqaa allallu nerineqarsinnaasut, atorneqarsinnaasullu allat tamakkerlugit nassartakkit. Taamatut ilílluta nunatsinni písuussutit uumassusíllit atorluarnerussavagut.
- 4) **Aallaat misissoqqaaruk oqattaatigíneranilu inuit, illut il.il. síssuikkrit** – Piniariarlutit aallanngínninni sakkutit misissoqqaakkrit. Aallaasívit píniagassanut atorneqartinnagu oqattaatigíneqarsímanissaa qularnaaruk. Uumasup seqqugassavit tunuani inoqarnersoq misissoqqaartuaannassavat. Inuit allat, ínissiat, angallatit allallu tungaannut aamma ílloqarfiup iluani seqqunngisaannarít.
- 5) **Uumasut pisatit tamatígun nalunaarsortakkit** – Uumasut písarísatit píllugit tamatígut allattuíjuaannartarít taamaalíllutit píniarnermut allagartat nutarterneqartussanngorpat ukíumoortumik ímmersugassat ajornanngínerusumik ímmersorinnaaqqullugu. Píniagassat kíllílersukkat tamaasa píllugit písanik ímmikkut nalunaarsuífíssaq ímmersoruk utertíllugulu, taamaalílluni píniagassaqassutít íneríartornerí píllugit Naalakkersuísoqarfík sapínnngísamík pítsaanerpaamík ílísímasaqalersíllugu.

Isumannaallisaaneq píngaaruteqarpoq píngortítarsuaq ílaatígun peqqarníssínnasooq sumiíffíillu ísorartunerujussuí píssutígalugit. Mappersakkap matuma ungaluani ímaatígun ísumannaallisaaneq píllugu annertunerusumík atuarít.

ASIMI EQQAKKAT QIMAANNAKKAT

Nunatsinni sumulluunniit pigaluaraanni pinngortitaq alianaatsuvoq. Ukiunili kingullerni nunani tikitani alianaatsortaa takujuminaallisimavoq. Siusinnerusukkut nunat alianaatsorsuusimasut maannakkut igitanik qimaannakkanik, puigukkanik imaluunniit aalisarnermut piniarnermullu atortunik, gummibåditoqqanik, umiatsiaaratoqqanik aquuterataloqqanillu qimaannakkanik annaasanillu mingutsinneqarsimaput. Ileqqupalaaq tamanna piaarnerpaamik unitsittariaqarparput. Asimiinnerup kingorna saliinissaq eqqagassallu il.il. nunaqarfimmut illoqarfimmulluunniit angerlaannissaat pisariusariaqanngilaq.

Illoqarfinni amerlanerni umiatsianut puttasut eqqaanni containerit eqqaaviit inisinneqartarput, igitassallu iginneqarnissaat akeqarani. Taamaattumik angalasi magaa-ngavit igitassatit tamatigut angerlaattakkit. Taamaali oruit uagutsinnut kingulitsinnullu pinngortitaminnissaq piniarnissarlu nuannernerussaaq. Piniarluarina!

- **Maangaanaq eqqaanak.**
- **Igitassat oqqullugit eqqaavissuarmut igikkit.**



INGERLATSIVIMMIIT NUTAARSIASSAT

PINIARNERMUT AALLAANIARNERMULLU INATSIT NUTAAQ

Inatsisartut 2023-mi upernaakkut ataatsimiinnerminni piniarnermut aallaaniarnermullu inatsit nutaaq akuerivaat.

Piniarnermut aallaaniarnermullu inatsimmi pingaarnertut siunertaavoq Kalaallit Nunaanni piniarneq aallaaniarnerlu pillugit Inatsisartut inatsisaannik paasiuminartumik, ullutsinnut naleqquttumik atoruminartumillu pilersitsinissaq.

Tamassuma saniatigut nunatta piniagassatigut pisuussutaanik naleqquttumik nungusaataanngitsumillu atuineramik aallaaveqartumik kiisalu aningaasaqarniarneq suliffissaqartitsiniarnerlu mianeralugit Kalaallit Nunaanni inuiaqatigiit malittarisassanik peqarnissaat Naalakkersuisut siunertaraat.

Erseqqissarneqassaaq piniarneq aallaaniarnerlu pillugit inatsisitoqqami aalajangersakkat amerlanersaat atuutilersumi allannngortinnagit ingerlateqqitaammata. Nutarterinissamik aamma inatsisitigut nalilersuinissamik, aqqqissuinissamik kiisalu Inatsisartut inatsisaata ataqatigiinnerusup, Kalaallit Nunaanni piniarnermut aallaaniarnermullu pingaarnertut toqqammavinnik aalajangersaasup, qularnaarnissaanik siunertaqarluni inatsimmi nutaami aalajangersakkat piviusunngortinneqarput.

Aallaaniarnermut allagartamut 15-inik ukioqalereersimanissamik piumasaqaat

Inuussutissarsiutigalugu piniarnermut allagartarnaamissamut piumasaqaatit ukiutigut piumasaqaat minnerpaamik 15-inik ukioqarnissaq piniarneq aallaaniarnerlu pillugit inatsimmi nutaami eqqunneqarpoq.

Sunnigffimmi piniarsinnaanermut allagartamik pissarsisinnaanermut minnerpaamik aqqaneq-marlunnik ukioqalereersimanissamik piumasaqaat sionatigut aamma atuuttoq attatiinneqarpoq.

Piniagassanut killilersukkanut akuersissuteqarnissamut utoqqaassutsimut minnerpaamik ukioqarnissamik piumasaqaat

Piniagassanut killilersukkanut akuersissutinik suliarinnittarnerup agguaaassisarnerullu assigüssaarnissaanut atatillugu piniagassanut killilersukkanut akuersissutinut tamanut minnerpaamik 15-inik ukioqalereersimanissaq atuutilersinneqarpoq. Inatsimmi sionatigut atuuttumi tuttunik nujuartanik umimmannillu aallaaniarnermut akuersissuteqarnissamut minnerpaamik ukioqalereersimanissamik piumasaqaammi 16-inik ukioqarnissaq piumasaqaataanikuuvoq.

Aammattaq meeqqat 12-inik ukioqalereersut, sulii 15-inik ukioqalinngitsut piniagassanik killilersukkanik aalajangersimasunik piniarnissamut aallaaniarnissamullu periarfissinneqarput, angajoqqaanik 18-ileereersimasunik peqateqarnermi, imaluunniit angajoqqaatut akisussaataitaasoq imaluunniit inuk 18-ileereersimasooq peqatigalugu (perngarneq).

Akiliisitsilluni piniariartitsisartunik akuersisarneq aamma angallassisartunik akuersisarneq

Akiliisitsilluni piniariartitsisartunik akuerisaasunnngortitsisarnermi maleruagassanik aamma akiliisitsilluni piniariartitsinermi angallassisartunik akuersisarnermut maleruagassanik aalajangersaanissamut tunngaviusussamik pilersitsisoqarpoq. Piniarnermik aallaaniarnermillu inuussutissarsiornermi ilaatigut aningaasaqarnikkut suliffissaqartitsiniarnikkullu pissutsit eqqarsaatigineqarnissaat pingaartinneqassapput.

Uumasunik ajornartorsiutaasunik illersuineq isumaginninnerlu

Uumasunik ajornartorsiutaasunik isumaginninnermut atatillugu maleruagassanik aalajangersaanissamut Naalakkersuisut tunngavissaannik pilersitsisoqarpoq. “Uumasut ajornartorsiutaasut” pingaarnertut pineqarput uumasut kiisortut ajornartorsiutaasut, qimaatinniarneqaraluarlutik inoqarfinnut pisartut inunnt, uumasuutitut pigisanullu ulorianartorsiortitsinnaasut. Taassuma saniatigut pineqarput uumasut kiisortut uumasoaqatigiinnut nujuartanut neqissaqarniarnermut pingaaruteqartunut uppernar-sarneqarsinnaasumik ulorianartorsiortitsisut.



Uumasunik pissatanik aamma piffissap piniarsinnaatitaaffiup avataani pissatanik passussineq

Inuk uumasumik allap pissataanik sulilu uumasumik takunnittoq, uumasumik toqutsinissamut pisussaaffilerneqarpoq. Uumasumik pissanneqarsimasumik piniarnissamut piffissaliussap avataani takunnittoqarpat, sapinngisamik uumasup toqunneqar-nissaa suli pisussaaffiuvoq. Pisuni taamatut ittuni uomasoq tamaat Namminersorlutik Oqartussat pissavaat, tassanilu Aalisarnermut Piniarnermullu Naalakkersuisoqarfiup aalajangissavaa uomasoq tamarmi taassumaluunniit ilaa qanoq pineqassanersoq.

Piniarnermik aallaaniarnermillu nakkutilliineq sunniuteqarluarteq

Piniarneq aallaaniarnerlu unioqqutitsisumik, nalunaaruteqarfiunngitsumik imaluunniit pissusissamisunngitsumik ingerlanneqarner-soq pillugu nakkutilliinermi, sapinngisamik pitsaanerpaanik atortunik nakkutilliinermut oqartussaasup peqartilernissaa inatsimmi tunngavilerneqarpoq, matumani inuit pigisaanut illunut isersinnaanermut aamma angallatini nakkutilliissummik ikkussuisinnaanermut tunngasut ilanngullugit.

Allaffissornikkut akiligassiisutininik tunniussisarneq

Allaffissornikkut pillaaummik akiligassiisarnissamut arsaarinninnissamullu periarfissaq atuutilersinneqarpoq, tassunga ilanngullugu nalilinnik arsaarinnineq. Inatsisartut inatsisaata susassaqarfiini tamani periarfissaq inatsit atorlugu atuutilersinneqarpoq, taamaalilluni inatsisartut inatsisaanni nalunaartussaaneq tunisisinnaanerlu pillugit maleruagassat unioqqutinneqarnerat tunuliaqutaralugu akiligassiisutit imaluunniit arsaarinninnerit allaffissornikkut akuersissutigineqarsinnaassalluni.

Piniartut atuisullu ilisimasaat kiisalu kulturikkut pisassiisarnerit

Biologit inassuteqaataat aamma piniartut atuisullu ilisimasaat nalilersuinerni oqimaatigatiissumik naligiissinneqassapput. Naalakkersuisullu kulturikkut pisassiisarnissamut malittarisassiornissaminut periarfissaqalerput tassungalu atatillugu piumasaqaa-teqarsinnaanissaminut, periusioreerpullu.

TIMMISSANUT NALUNAARUT NUTARTERPOQ

2023-mi upernaakkut timmissanut nalunaarut nutarterlugu naammassineqarpoq: Timmissanik illersuineq piniarnerlu pillugit Namminersorlutik Oqartussat nalunaarutaat nr. 22, 30. maj 2023-meersoq. Nutarterneqarneranut tunngaviuvoq Inatsisartut upernaakkut 2022-mi ataatsimiinnerminni Naalakkersuisunut allanngueqqusillutik aalajangiimmata.

Nutarterinermi allannguutit pingaarnerit tassaapput mitit piniagaanerisa sivitsorneqarnerat aamma mitit manniinik katersisinnaalerneq. Allannguutit pingaarnerit ukuupput:

- Tunu zone-nut marlunnet avinneqarpoq. Tasiilap aqutsiveqarfia Zone 4 taavalu Ittoqqortoormiit aqutsiveqarfia nutaatut Zone 5-inggorluni.
- Mitit piniagaaneri sivitsorneqarput, ataani tabel takuuk.
- Mitit ullormut pisassat ukunani atorunnaarsinneqarput: Zone 1-imi (Qaanaap aqutsiveqarfia), Zone 4-mi (Tasiilap aqutsiveqarfia) aamma Zone 5-imi (Ittoqqortoormiit aqutsiveqarfia). Inuit inuussutissarsiutigalugu piniarnermut allagartallit aqutsiveqarfigisaminni pisatik tuniniarsinnaavaat.

Mannissarneq

- Inuit inuussutissarsiutigalugu piniarnermut allagartallit nammineq atugassatut mitit manniinik katersisinnaalerput piffissami aprílíp aallaqqaataaniit juunip 15-iat ilanngullugu.
- Mitip ulluanit ataatsimit amerlanerpaamik marlukkaarlugit mannissartoqarsinnaavoq.
- Zone 1-imi (Qaanaap aqutsiveqarfia) piniarnermut allagartallit mitit manniinik manniusiornermut piffissami juunip 15-ianiit juunip 25-at ilanngullugu mannissarsinnaapput.

Allannguutit allat

- Inuit inuussutissarsiutigalugu piniarnermut allagartallit aqutsiveqarfigisaminni taateraaniik tuniniaasinnaapput.
- Tulukkat, naajarujuusuit aamma naajarluit ukiuni tallimani misileraataasumik killeqanngitsumik piniarneqarsinnaanerit nalunaarutip atuutilersinneqarneraniit suli ukiunik tallimanik sivitsorneqarpoq.

Miit piniagaaffii nutaat atuutilersinneqartut:

Zone	Piniagaaffiit	Sivitsuinerup sivissusia
Zone 1:	15.09 - 15.06	Qaammatit 2 ½
Zone 2:	01.10 - 15.05	Qaammat 1
Zone 3:	01.10 - 15.05	Qaammatit 2 ½
Zone 4:	15.09 - 31.05	Qaammatit 2
Zone 5:	15.09 - 31.05	Qaammatit 2

AARRIT PILLUGIT NALUNAARUT 2022-MI NUTARTERNEQARPOQ

Naluneqanngitsutut aarrit pillugit nalunaarut 2022-mi nutarterneqarpoq, oktobarillu 14-iani 2022-mi atuutilersinneqarluni. Nalunaarutip siulia 2006-imeersuusoq nutartertariaqarlersimavoq. Ataatsimut isigalugu nalunaarut nutaaq piniakkanut allanut nalunaarutit killilersuiffigineqartut Naalakkersuisunit akuerineqareersut assigalugit aaqqissorneqarpoq, tassunga ilanngullugu oqaaseqatigiilerinikkut teknikkikkullu tunngasutigut allannortitsinerit.

Ataani allannguutit pingaarnerit takuneqarsinnaapput:

Piffissat piniagaaffisut aamma zone-t

- Aaffanniarneq ukioq kaajallallugu pisinnaalerpoq, Nuna tamakkerlugu ukioq kaajallallugu piniartoqarsinnaanerluni, tassa januaarip aallaqqaataaniit decembarip 31-at ilanngullugu.
- Aqutsiveqarfiit zone-nut pingasunut aggornilersorneqarpoq, ukuupput zone-t Qaanaap aqutsiveqarfia, Kitaata sinnera tamaat Upernavimmiit Nanortallup aqutsiveqarfia ilanngullugu kiisalu Tunu.

Atorunnaarsinneqartut

- Aaveq toqussutissaanik aallaatinngagu naalinneqarnissaanik piumasaqaat atorunnaarsinneqarpoq.
- Tunumi arnavissat inersimasut piaqqat ilanngullugit eqqissisimatitaanerat atorunnaarsinneqarpoq.

Akornusersuinerut tunngasoq

Aarrit nunamiittut qassimaffimmiittulluunniit 300 meterit tungaanut ungasitsigalugit ajoqusersuineq, angallanneq assigisaannilluunniit iliorneq inerteqqutaavoq. Aammalu aarrit nunamiittut qassimaffimmiittulluunniit 1000 meterit tungaanut ungasitsigalugit angallatit 15 meterinik sinnerluguluunniit takissuseq tamakkerlugu (t.t.) takitigisut ajoqusersuinissaat angallannissaalluunniit inerteqqutaavoq.

Allannguutit allat:

- Kommunit akuersissutiniq tunniussisartut ataatsikkut akuersissummik ataasiinnaangitsumik tunniussisinnaalerput, tamanna kommunit ilaanni suleriaatsinik atuutereersunik nalimmassaaneruvoq.
- Aavermik pissaanermi nunniussinermik kinguneqanngitsumik pisoqartillugu, pissaaneq kommunimi imaluunniit aqutsiveqarfimmi pisassiussutinit ilanngaatigineqassanngilaq.

SULLISSIVIK.GL AJORNARTORSIUTIGIVIUK?

Aalisarnermut Piniarnermullu Naalackersuisoqarfik ukiut tamaasa innuttaasunit arlalinnit maajip aallaqqaataa sioqqullugu kingornagullu piniarnermut allagartaminik akileerusuttunik imaluunniit piniarnermut allagartaminik nutarsarusuttunik saaffigineqattaartarpoq. Tamanna pisarpoq tuttunniarnissamat imaluunniit umimmanniarnissamat akuersissummik piniaraanni maajip aallaqqaataa sioqqullugu piniarnermut allagartap akilereersimanissaanut piunasaqaat pissutigalugu. Saaffiginissutit arlallit nittartakkakkut imminut sullinneq pillugu ajonartorsiutinut tunngasarput.

Sullissivik.gl aqcutigalugu imminut sullinnermi ajonartorsiuteqaruit piaartumik Aalisarnermut Piniarnermullu Naalackersuisoqarfimmut saaffiginissaatit. Atortuppit igalaasartaa asseq (screenshot) kukkussutip suuneranik takutitsisoq ilanngullugu e-mail-imik jagtbeviser@nanoq.gl-imut nassiussigit.

Ukiut tamaasa oktobarip aallaqqaataaniit pisanik nalunaarnissaq piniarnermullu allagartamik nutarsaanissaq, imaluunniit piniarnermut allagartamik qinnuteqarnissaq periarfissaavoq. Qinnuteqartullu tuttunniarniarunik imaluunniit umimmanniarniarunik taava maajip aallaqqaataa sioqqullugu pisaminnik nalunaaruteqarlutillu akilereersimassapput, imatut paasillugu qinnuteqartut qaammatit arfineq marlungajaat piniarnermut allagartap akilernissaanut periarfissarisarpaat. Piniarnermut allagartaq aatsaat akilerneqareeruni atuutilissaaq. Ilutigalugu aamma Kalaallit Nunaanni minnerpaamik ukiuni kingullerni marlunni ataavartumik imaluunniit ukiut kingulliit qulit iluanni ataavartumik minnerpaamik ukiuni marlunni najugaqareersimanissaq pillugu piunasaqaat eqqumaffigisariaqarpoq.

Qinnuteqartut www.sullissivik.gl, bankikkut akiliinikkut, imaluunniit Tusass aamma Pilersuisoq aqcutigalugu akiliisnaapput.

EQQAAMALLUGU PISSATAT ANNAASALLU NALUNAARUTIGINISSAAT

Piniartilluni aallaaniartillunilu ilaatigut pissaasoqarlunilu annaasaqartoqarsinnaasarpoq. Piujuuaannartitsineq tunngavigalugu piniarneq ingerlanneqarnersoq naliliinermi, piniarnermi pissat annaasallu nalilersuinermi ilaatinneqartarput. Piniakkanut aalajangersimasunut killilersukkanut annaasat qassiunerisa naatsorsornissaannut piniarnermi annaasanik nalunaarutit atorneqartarput, taakkumi pisassiisoqarnissaanut uumassusilerisut inassuteqarnissaminni atortarpaat. Taamaattumik pissat/annaasat nalunaarutigiginissaat pingaaruteqarpoq. Naluneqanngitsut Naalakkkersuisut pisassissutissanik aalajangersaasarput, tamannalu peqassutsinut ataasiakkaanut paasissutissat pigineqartut pitsaanerpaat aallaavigalugit ingerlanneqartarluni.

Nalunaaruteqartannginnerup kingunerisinnaasai

Aqutsiveqarfimmi misilittakkat takutippaat piniakkanut ataasiakkaanut pissat annaasallu nalunaarutigineqartartut assigiinngisitaarnerat. Piniakkat ilaannut annaasanik nalunaaruteqartoqarpiarneq ajorpoq ilaannilu nalunaarutit ikittuinnaasarlutik.

Pisanik nalunaaruteqartannginneq assigiinngitsunik kinguneqarsinnaasarpoq. Naggataani kingunerisinnaavaa piniakkamut aalajangersimasumut pisassanik aalajangersaanermi mianersornissamik tunngavissat tunngavigalugit periuiuttip atorneqaleranera, tamannalu piviusumik piniarneqarnerisa amerlassusiisa ilisimalernejarnissaata tungaanut atuutsinneqartarluni.

Annaasat amigartumik nalunaarutigineqartarnerisa kingunerisinnaavaat nalunartut pillugit pisat annaaneqarsimassangatinneqartut amerlassusiisa amerlavallaartinneqarnerat, pissat annaaneqartut amerlassusiisa ilisimaneqannginnerat pissutaalluni. Tassa imaappoq pisassiissutinit piniagassat ilanngaataasarput, piniagassat qassit pissanneqartullu annaaneqarsimasut ilisimaneqanngimmat.

Aarrit

Ilaanni isumaqarnarsinnaavoq kisitsisit annertunngitsuinnaasut soqutaanngitsut, ki-sianni pisassiissutit killeqartut pilerngunneqartillugit pingaaruteqalersarput. Assersuutaasinnaavoq Qaanaap aqutsiveqarfiani aaffattassiissutit, piniartunit annaasanik nalunaaruteqartoqartanngimmat, annaasat annertussusii missingersuutaasumik 15 %-imik annertussuilerneqarput. Tamanna pisassiissutininut ima kinguneqarpoq, biologinit inassuteqarnerminni pisassiissutissatut innersuussutaasut 15 %-imik ilanngarneqartarmata. Unilu assersuummi 15 %-it kisitsisinngorlugit aarrit 15-iupput.

Maannakkut Qaanaap aqutsiveqarfiani annaasat annertussusii 3 %-imut inissinneqarnikuupput, tamannalu piniartunik apersuisoqareernerata kingorna pivoq. Assersuutip takutippaa pisat aamma pissat annaasallu ilanngullugit nalunaarutigineqartarnissaasa pingaaruteqassusia, aarrit uumasogatigiinnit pisarineqartartut qassiunerinik takutissimmat.

Niisat

Niisanik piniarnermi pissatat annaasallu nalunaarutigineqartarneri amigaataasarput. Niisat pillugit inassuteqaat NAMMCO-p (Atlantikup Avannaani Miluumasut Imarmiuq pillugit Ataatsimiititaliarsuaq) ilisimatuussutsikkut ataatsimiititaliaanit pisisarineqartarpoq. 2021-milu inassutigineqarpoq niisat ukiumut 2.900-ini amerlanerunngitsut pisineqassasut, niisanniarnaq piujuartitsinissamik tunngaveqartumik ingerlanneqassappat. Taamaattoq amerlassutsit nalimmassarneqarput pissatat annaasallu tunngavigalugit. Tassanili nunatsinni niisat pisineqartartut tamarmik nalunaarutigineqartannginneri pissutaallutik ilanngarneqarput. Tassalu naggataani siunner-suineri inassutigineqarpoq nunatta Kitaani niisat tulaanneqartut amerlanerpaamik 1.869-iunissaat. Taamalu naatsorsorneqarpoq niisanit 2.900-nit pisassiissutaasunit 1.031-t pissanneqartartut annaaneqartartullu ilaatigullu aamma pisatut nalunaarutigineqarpoq ajortut.

Piniakkat Nunatta sanilerisattalu avitseqatigiiffisaat

Kalaallit Nunaat sanilerisaminik piniakkanik miluumasunik timmissanillu arlalinnik avitseqateqarpoq, soorlu nannut, qilalukkat aarrillu. Nunarput piniarnerup piviusumik ingerlaneramik takutitsisumik nalunaaruteqarnissamik pisussaaffeqarpoq. Katuffiit imaluunniit suliniaqatigiiffiit assigiinngitsut aqutugalugit nunat sanilerisavut assigiinngitsut suleqatigaavut.

Avammut annisseqqusinnginneq

Piniarnerup nungusaataannngitsumik ingerlanneqannginnerata kingunerisinnaasaasa ilagaat Kalaallit Nunaata ass. aarrinit nioqqutissanik annissinnaajunnaarneqarneranik. Akulikitsumik CITES-imit nalunaarusiortoqartarpoq piniarneq nungusaataannngitsumik ingerlanneqarnerisooq nalilersorneqarluni.

Avatitsinnit nunarput alaatsinaanneqarpoq nuannarinngikkaluarutsiguluunniit. Tassani ilaatigut uumasunik illersuiniaqatigiit piniarneq alaatsinaattarpaat, piniarnerli nungusaataannngitsumik ingerlanneqartoq pissuserissaartoqartorlu takutikkutsigu uumasunik illersuiniaqatigiit sunniartarneri pakkersimaarsinnaavavut.

Taamaattumik uumasut pissatat annaasallu pisanut nalunarsuiffimmut PINIAR-NEQ-mi nalunaarsuiffimmut nalunaarutigisarnissaat pingaaruteqarpoq.

PINIARNERMUT ALLAGARTAT – UKIUMOORTUMIK PISANIK NALUNAARNEQ, QANOQ NALUNAARTARPAT AAMMA SOOQ NALUNAARTARPAT

Piniarnermut allagartat nutarterniarukku ukiup siuliani pisatit nalunaarutigeqqaar-tussaavatit. Imminut sullinnissamat periarfissaq www.sullissivik.gl atorsinnaavat imaluunniit kommuunip sullissiviani Aalipi atorlugu.

Aalipip ingerlaannaq ukiumut pisanik nalunaarsuiffissaq nuisittarpa.

Eqqumaffigissavat nammineq sullissivinni piniariaatsit assigiinngitsut toqqagas-saammata, ukiumoortumik nalunaarsuiffissamit ataavartumillu nalunaarsuiffissamit pappiliaasunit toqqagassaqarnerulluni. Ataavartumik nalunaarsuiffik ukiup ingerlane-rani qaammatit tamaasa eqqaamatitsissutissat atorneqarsinnaavoq.

Piniakkanut paasissutissat tunniunneqarnerisigut ingerlatsinermi tunngavissat pitsaanerulissapput taamaalilluni aamma inassuteqarnissamat tunngavissat pitsaaneru-lerlutik.

Pisat pillugit qaammatikkaartumik nalunaarutigineqartartussat:

- Pisat amerlassusii piniariaaserlu (sakkoq = aallaat imaluunniit qassutit).
- Pisisuukkat amerlassusii.
- Pissat kivisitallu.

Uumasut piniagassat aallaammik pisatut nalunaarsorneqarsinnaapput, taamaattu-millu aamma pissatatut kivisitatullu. Miluumasut imarmiut tamarmik timmissallu pisisuukkatut nalunaarsorneqarsinnaapput. Puisit aamma qilalukkat qaqortat qernertallu qassutinik piniarnissamat akuerisaammata kisimik qassutinik pisatut nalunaarsorneqarsinnaapput.

Pisisuukkat pitsaanerusumik nalunaarsorneqarnissaat nunatsinni nunanilu allani ukiuni qulikkaarutuni kingullerni eqqumaffigineqaraluttuinnarput. Piniakkani taak-kunani pisisuukkat immami miluumasuni toqussutaanerpaarpatut nalilernerqarni-kuupput. Taamaammatt pisisuukkat ikilineqarnissaat sulissutigineqarpoq, tamannalu aalisartumut piniartumullu iluaqutaassalluni. Nunatsinni aalisarnermi MSC-mik nalunaarusialiorarnermut atatillugu aamma pitsaanerusumik nalunaaruteqarnissaq ukkatarineqarpoq.

Pissat kivisitallu pillugit paasissutissat piniartunut ataasiakkaanut ersersittarpaat seqqornermi piniagaq eqqortumik aallaaneqarsimanersoq piaartumik toqunneqar-nissaa eqqarsaatigalugu, kiisalu piniakkamat eqqortumik ungasissuqarsimaneq sulloqqortussutsip imassallu suunerat eqqarsaatigalugu. Aallaasip eqqortumik naker-sarneqarsimanissaa aamma sunneeqataasinnaavoq. Pissat kivisitallu amerlappata isumaqariaannaavoq toqutseriaaseq nalilersorneqartariaqartoq immaqalu pitsanngor-sarneqartariaqartoq.

UNIOQQUTITSISUMIK PINIARNERMIK TAKUNNITTUUIT?

Aalisarnermut Piniarnermullu Naalackersuisoqarfik (APN) unioqqutitsisumik piniarneq pillugu saaffiginnissutiniq imaluunniit tamanna pillugu pasilliutiniq tigusaqakulasarpoq, saaffiginnittorlu pisoqartillugu imaluunniit pisoqareertillugu qanoq iliornisani nalusarlugu. Unioqqutitsisumik piniarneq piniarnissamut piffissaliussap avataani pisimasinnaavoq, piniakkat killilersukkat akuersissutitaqanngitsumik piniarneqarsimasinnaapput, amerlavallaanik pisaqartoqarsimasinnaavoq imaluunniit inerteqqutaasumik piniariaaseq atorlugu piniartoqarsimasinnaavoq il. il. Saaffiginnissutit APN-imi tiguneqaraangata uppersarsaatiniq piumasarpugut, soorlu aqqi, sumiiffik, assinik kiisalu unioqqutitsineq videoliarineqarsimassappat video-nik, pissutigalugu Politiinut nalunaarutiginninnermi atortariaqarmata. Nakkutilliisut aamma sulikkertarpagut suliaq erseqqinnerusumik misissoqqullugu uppersarsaatinillu pissarsiaqqullugit. Unioqqutitsinerit pillugit qanorlu Politiinut nalunaarutigineqarnissaat pillugu APN malittarisassaqqarpoq, inatsisit taamaalillutik malinneqartarlutik.

Nakkutilliisut suliaassaraat aqutsiveqarfinni nakkutilliineq, kisianni innuttaasut unioqqutitsisumik piniarnermik takunnissimagaangamik pisussaaffigaat APN-imut, Kommunimut imaluunniit Politiinut saaffiginninnissaq. Taamaattorli pisumik Politiinut nalunaarutigineqartumik siullermit takunnittoqarsimanissaa pingaaruteqqarpoq, pissutigalugu pisumik takunnittut – pisoq pineqartoq pillugu oqaluttuarsinnaamata takunninngitsut pisumik takunnittumiit oqaluttuarfigineqartumiit imaluunniit takunnittumiit oqaluttuarfigineqartumiit oqaluttuarfigineqaannartut sanilliullugit.

Unioqqutitsisumik takunnissimaguit imatut iliorsinnavutit (*):

- Unioqqutitsisumik pisoqarnerani assiliisarlutit imaluunniit videoliorlutit. Assit videollu internet-imeersut uppersarsaatit atorsinnaanngillat pissutigalugu qanga pisimanersoq takussutissartaqanngimmat.
- Assit videollu internet-imeersut pisup misissorneqarnerani atorsinnaapput.
- APN-imut, sumiiffimmi Nakkutilliisunut, Kommunemut imaluunniit Politiinut telefonikkut, mailikkut imaluunniit nammineq ornigullutit saaffiginnillutit.
- Pineqartup atia – imaluunniit pineqartut aqqi – nalunaarutigalugit.
- Piniakkap suunera aamma aqutsiveqarfiup sorliunera nalunaarutigalugu.
- Pisoq sapinngisamik sukumiinerpaamik oqaluttuaralugu (APN, Kommune imaluunniit Politiit pisup allaganngorlugu oqaluttuarineqarnissaa piumanerussa-vaat, pissutigalugu illit nammineq pisoq pillugu oqaluttuarisat suliaq ingerlanerani nukittunerpaatut inissisimassammat).

**: takunnittup oqaluttuarnera assinut imaluunniit videonut sanilliullugit uppersarsaruminaannerusarpoq, kisianni suliaq ingerlanerani iluaqutaalluni. Naggataatigut Politiit aalajangissavaat uppersarsaatit qanoq atorluarsinnaatiginersut – ilumullu inatsisinik unioqqutitsisoqarsimanersoq.*

PINIAGASSAT ASSIGIINNGITSUT PILLUGIT PAASISSUTISSAT: INATSISIT, PIFFISSALIUSSAT AAMMA MALERUAGASSAT

NANNUT

Inatsisit: Kalaallit Nunaanni nannunniarneq inatsisitigut nannunik piniarneq illersuinerlu pillugit Namminersorlutik Oqartussat nalunaarutaat nr. 5, 6. marts. 2023-imeersumi malittarisassiuunneqarpoq.

Nannunniarnissamut piffissaliussat: Kalaallit Nunaata Kitaani (Nanortalik-Qaanaaq) septembarip aallaqqaataaniit juunip 30-iat ilanngullugu, Tunumilu (Ittoqqortoormiit aamma Tasiilaq) oktobarip aallaqqaataaniit juulip 31-at ilanngullugu.

Ilitsersuutit: Nannunik naammattuinermi qanoq pissuseqarnissamut ilitsersuut www.sullissivik.gl-imi takuneqarsinnaasoq Namminersorlutik Oqartussat nutarternikuuat, tassani aamma nannup toqunneqarnerata kingorna amia, niaquata saarnga aamma aqajarua qanoq passunneqassanersut ilanngunneqarlutik.

Sulloqqortussutsinut piunasaqaat: Qoorortoog minnerpaamik kaliber .30-06 sulloqqortussusilik.

Pisarineqartut	2016	2017	2018	2019	2020	2021	2022
Tamakkerlugit	120	142	158	140	153	137	160

AARRIT

Inatsisit: Aavernik piniarneq inatsisitigut aavernik illersuineq piniarnerlu pillugit Namminersorlutik Oqartussat nalunaarutaat nr. 31, 14. oktober 2022-meersumi malittarisassiuunneqarpoq.

Piniarnissamut piffissaliussat: Kalaallit Nunaanni aqutsiveqarfanni tamani januarip aallaqqaataaniit decembarip 31-at ilanngullugu.

Sulloqqortussutsinut piunasaqaat: Qoorortoog minnerpaamik kaliber .30-06 (7,62x63 mm) sulloqqortussusilik.

Pisarineqartut	2016	2017	2018	2019	2020	2021	2022
Tamakkerlugit	135	111	98	114	104	127	124

ARFERIT ANGISUUT

Inatsisit: Arfernik angisuunik piniarnermi pineqarput: tikaagullik, qipoqqaq, arfvik aamma tikaagulliusaaq. Piniarneqarneri inatsisitigut arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersumi kiisalu arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat nr. 12, 16. juli 2010-meersumi malittarisassiuuneqarput.

Piniarnissamut piffissaliussat: Arfvik: aprilip aallaqqaataaniit decembarip 31-at ilanngullugu. Tikaagullit, tikaagulliusaat aamma qipoqqaat: Januarip aallaqqaataaniit decembarip 31-at ilanngullugu.

Iltersuutit: Imarmiunik unioqutitsilluni pisaqartoqartillugu, imminut illersorni-arluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu iltersuut nittartakkami www.sullissivik.gl-imi taku-neqarsinnaavoq.

Sulloqqortussutsimut piumasaqaat: Arfernik anginernik piniarnermi taamaallaat atorneqarsinnaapput qamutiliit qaartartortalimmik tuukkartallit 50 mm-inik kaliberillit. Ataatsimut piniagaqigilluni tikaagullinniarnermi qoorortoq minnerpaamik kaliber .30-06 sulloqqortussusilik.

Pisarineqartut	2016	2017	2018	2019	2020	2021	2022
Tikaagulliusaaq	9	8	7	8	3	2	3
Arfvik	0	0	0	0	0	0	1
Qipoqqaq	5	2	6	4	4	7	2
Tikaagullik	163	143	118	171	181	207	163

Pisani ilaapput ukioq siulianiit pisinngitsuumkat nuussat.

QILALUKKAT QAQORTAT QERNERTALLU

Inatsisit: Qilalukkanik qaqortanik qernertanillu piniarneq inatsisitigut qilalukkat qaqortat qernertallu illersugaanerat piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuuneqarpoq.

Piniarnissamut piffissaliussat: Ukioq kaajallallugu qaqortanik qernertanillu qilalugar-niartoqartarpoq: januaarip aallaqqaataaniit decembarip 31-at ilanngullugu.

Iltersuutit: Imarmiunik unioqutitsilluni pisaqartoqartillugu, imminut illersorni-arluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu iltersuut nittartakkami www.sullissivik.gl-imi taku-neqarsinnaavoq.

Sulloqqortussutsimut piumasaqaat: Qoorortoq minnerpaamik kaliber .30-06 sulloqqortussusilik.

Pisarineqartut	2016	2017	2018	2019	2020	2021	2022
Qilalukkat qaqortat	203	196	213	265	198	148	233
Qilalukkat qernertat	401	426	509	534	286	419	527

Pisani ilaapput ukioq siulianiit pisarinnigitsuukkat nuussat.

ARFERIT MIKINERIT

Arferit mikinerit tassaapput niisa, anarnaq, aarluarsuk/aarluarsuk qaqortumik siggulik, niisarnaq aarlullu.

Piniarnissamut piffissaliussat: Ukioq naallugu.

Pisarineqartut	2016	2017	2018	2019	2020	2021	2022
Niisa	2.375	2.385	2.890	2.778	4.006	4.296	3.409
Anarnaq	3	16	0	8	3	3	2
Niisarnaq	195	384	399	305	236	288	207
Aarluk	14	18	21	17	33	20	23
Aarluarsuk/Aarluarsuk qaqortumik siggulik	123	98	137	225	381	330	133

PUISIT

Inatsisit: Puisinniarneq inatsisitigut puisit illersugaanerat piniagaanerallu pillugit Namminersornerullutik Oqartussat nalunaarutaat nr. 16, 12. nov. 2010-meersumi malittarisassiuunneqarpoq.

Malugiuk: Qasigiaq aamma sigguttoq (puisi sigguttoq) Kalaallit Nunaanni eqqis-sisimatitaalluinnarmata taakkualu piniarneqartunut ilaangillat.

Piniarnissamut piffissaliussat: Puisinniarneq ukioq kaajallallugu ingerlanneqartarpoq, januaarip aallaqqaataaniit decembarip 31-at ilanngullugu.

Sulloqqortussutsinut piimasaqaatit: Aallaasit minnerpaamik kaliber 17HMR, cal. 22WMR aamma kaliber 20.

Pisarineqartut	2016	2017	2018	2019	2020	2021	2022
Natsersuaq	1.516	1.526	1.025	1.627	909	1.399	986
Ussuk	1.332	1.143	1.072	1.084	994	1.070	964
Aataaq	39.347	32.804	31.883	32.532	33.735	39.373	22.382
Allattooq	17.563	15.904	16.848	17.611	16.314	16.865	9.353
Natseq	48.219	40.954	48.085	45.917	40.633	34.928	26.113

TUTTUT

Inatsisit: Tuttunniarneq inatsisitigut Namminersorlutik Oqartussat nalunaarutaat nr. 7, tuttut nujuartat illersugaanerat piniagaanerallu pillugit 27. juni 2013-imeersumi malittarisassiuunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarnermi qoorortoq minnerpaamik kaliber 222 sulloqqortussusilik. Tammajuit-sussarsiorluni piniarnermi qoorortoq minnerpaamik kaliber .243 sulloqqortussusilik.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq qarsut naqqui aalajangersimasut atorneqartillugit minnerpaamik 45-pund-nik (21 kg.) nusutsisinnaassusilik, qarsullu naqqui mekaniskiusut atorneqartillugit minnerpaamik 55-pund-nik (25 kg.) nusutsisinnaassusilik. Qarsut naqqui aalajangersimasut minnerpaamik 385 grains-nik (25 gr.) oqimaassuseqassapput, qarsuillu naqqui mekaniskiusut minnerpaamik 425 grains-nik (28 gr.) oqimaassuseqassapput.

Pisarineqartut	2016	2017	2018	2019	2020	2021	2022
Tamakkerlugit	12.008	12.460	11.161	13.076	11.617	11.407	9.000

UMIMMAAT

Inatsisit: Umimmanniarneq inatsisitigut Namminersorlutik Oqartussat nalunaarutaat nr. 8, umimmaat illersugaanerat piniagaanerallu pillugit 27. juni 2013-imeersumi malittarisassiuunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarnermi qoorortoq minnerpaamik kaliber .6.5x55mm sulloqqortussusilik. Tammajuitsussarsiorluni piniarnermi qoorortoq minnerpaamik kaliber .30-06 sulloqqortussusilik.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq minnerpaamik 60-pund-nik (28 kg.) nusutsisinnaassusilik. Qarsut minnerpaamik 525 grains-nik (34 gr.) oqimaassuseqassapput. Qarsut mekaniskiusut atoqusaanngillat.

Pisarineqartut	2016	2017	2018	2019	2020	2021	2022
Tamakkerlugit	2.656	1.568	1.835	2.246	1.879	1.828	1.640



TIMMISSAT

Inatsisit: Timmissanik piniarneq inatsisitigut Timmissanik illersuineq piniarnerlu pillugit Namminersorlutik Oqartussat nalunaarutaat nr. 22, 30. maj 2023-meersumi malittarisassiuunneqarpoq. Sumiiffiit eqqissisimatitat tallimaapput, appat sigguttuut aamma appat Zone 1-imi aamma 2-mi upernaakkut piniagaajunnaarput, tulukkat aamma naajat ukiuni tallimani misileraataasumik ukioq kaajallallugu killeqanngitsumik piniarneqarsinnaapput, Mittarfeqarfiit imaluunniit kommunit periarfissaqarput mittarfiit, eqqaaviit aamma eqqaavissuit eqqaanni tulukkat naajallu manniinik katersitsinissamut imaluunniit uuliamik serpartaatitsinissamut kiisalu timmissanik qinnuteqarnikkut nalunaaqutsersuisinnaaneq periarfissaavoq.

Sulloqqortussutsinut piumasaaqaatit: Timmiarsiut sullua annerpaamik 12-iusoq aamma qoorortuuqaqap sullua minnerpaamik .17-iusoq.

Piniariaatsit allat: Saaqutit nuffisilluunniit nalinginnaasumik kiisalu Zone 1-mi aamma Zone 4-mi appaliarsunniarnermi qalut aamma naperniutit ipullit.


Zone 1: Avannamut Petermann Fjord-imut killeqarpoq. Kujammullu Hammer Ø-mut killeqarluni.

Zone 2: Avannamut killeqarfia Hammer Ø. Kujammut Maligaat nalaani killeqarpoq.

Zone 3: Avannamut Maligaat killeqarfia. Kujammut Kanajorartuut killeqarfia.

Zone 4: Kujammut killeqarfia zone 3-mi killeqarfik malillugu Kangerlussuatsiap qeqqa (Lindenow Fjord). Avannamut killeqarfia zone 5-imi (Ittoqqortoormiit) killeqarfia. Kimmut Vedel Fjordip aamma Kap Vedelip eqqaa killigalugu.

Zone 5: Kujammut zone 4-p avannamut killeqarfia killigaa, avannamullu Nuna Allannagutsaaliugaq kangimut Kap Biot killeqarfia.



Piniarnissamut piffissaliussat:**Timmissat killilersukkat – Ukiakkut aamma ukiukkut piniarneq.**

	Zone 1	Zone 2	Zone 3	Zone 4	Zone 5
Miteq	15.09-15.06	01.10-15.05	01.10-15.05	15.09-31.05	15.09-31.05
Miteq sio-rakitsaq	15.09-15.06	01.10-15.05	01.10-15.05	15.09-30.04	15.09-31.05
Appa	15.10-28/29.02	15.09-15.11	01.11-15.12	01.11-31.12	01.11-31.12
Appa sig-guttoq	15.10-28/29.02	15.09 -15.11	01.11 -15.12	01.11-31.12	01.11-31.12
Taateraag	01.09-31.10 01.03-31.03	01.09-31.10 01.03-31.03	01.09-31.03	01.09-31.03	01.09-31.03

Malugiuk: Inuusutissarsiutigalugu aamma sunngiffimmi piniartut ullormut pisarisinnaasaat killeqarput.

Timmissat killilersukkat – Upernaakkut piniarneq

	Zone 1	Zone 2	Zone 3	Zone 4	Zone 5
Appa	01.03-15.06	15.04-15.05	Upernaakkut piniagaanngillat	Upernaakkut piniagaanngillat	Upernaakkut piniagaanngillat
Appa sig-guttoq	01.03-15.06	15.04-15.05	Upernaakkut piniagaanngillat	Upernaakkut piniagaanngillat	Upernaakkut piniagaanngillat

Malugiuk: Inuusutissarsiutigalugu aamma sunngiffimmi piniartut ullormut pisarisinnaasaat killeqarput.

Timmissat killilersugaanngitsut:

	Zone 1	Zone 2	Zone 3	Zone 4	Zone 5
Appaliarsuk	01.09-30.04	01.09-30.04	01.09-30.04	01.09-31.04	01.09-30.04
Qeer-lutoq	01.09-28/29.02	01.09-28/29.02	01.09-28/29.02	01.09-28/29.02	01.09-28/29.02
Nerleq sig-gukitsaq	01.09-30.04	01.09-30.04	01.09-30.04	01.09-31.05	01.09-31.05
Kangoq	01.09-15.10	01.09-15.10	01.09-15.10	01.09-15.10	01.09-15.10
Canadap nerlera	01.08-15.10	01.08-15.10	01.08-15.10	01.08-15.10	01.08-15.10

Nerlernaq	01.09-30.04	01.09-30.04	01.09-30.04	01.09-31.05	01.09-31.05
Serfaq	01.09-31.03	01.09-31.03	01.09-31.03	01.09-31.03	01.09-31.03
Alleq	01.09-28/29.02	01.09-28/29.02	01.09-28/29.02	01.09-28/29.02	01.09-28/29.02
Tulugaq	01.01-31.12	01.01-31.12	01.01-31.12	01.01-31.12	01.01-31.12
Qaqulluk	01.09-31.10	15.08-31.10	01.09-31.10	01.09-31.10	01.09-31.10
Tuullik	01.09-15.10	01.09-15.10	01.09-15.10	01.09-15.10	01.09-15.10
Aqisseq	01.09-30.04	01.09-31.05	01.09-30.04	01.09-30.04	01.09-30.04
Naajaan-naq	01.09-30.04	01.09-30.04	01.09-30.04	01.09-30.04	01.09-30.04
Naajaru-jussuaq	01.01-31.12	01.01-31.12	01.01-31.12	01.01-31.12	01.01-31.12
Naajarluk	01.01-31.12	01.01-31.12	01.01-31.12	01.01-31.12	01.01-31.12
Oqaatsaq	01.09-31.03	01.09-31.03	01.09-31.03	01.09-31.03	01.09-31.03

NUNAMI MILUUMASUT ALLAT

Kukiffaajuup eqqissisimatitaanera pillugu Namminersornerullutik Oqartussat nalunaarutaat nr. 13, 13. september 2004-meersoq.

Kukiffaajooq Kalaallit Nunaanni eqqissisimatitaalluinarpoq ukiorlu kaajallallugu piniacquasaanani.

Terianniat illersugaanerat piniagaanerallu pillugit Namminersorlutik Oqartussat nalunaarutaat nutaaq nr. 14, 18. oktober 2019-imeersoq. Terianniat ukiuni tallimani misileraataasumik inuussutissarsiutigalugu imaluunniit sunngiffimmi piniarnermut allagartalinneq inoqarfiit, savaateqarfiit aamma qimuttunik qimmeqarfiit eqqaanni ukioq kaajallallugu piniarneqarsinnaapput. Tamanna Kalaallit Nunaat tamakkerlugi nuna allanngutsaaliugaq minillugu atuuppoq.

Piniarnissamat piffissaliussaq: Septembarip 16-ianiit maajip 14-iat ilanngullugu. Taamaattorli inoqarfiit, savaateqarfiit aamma qimuttunik qimmeqarfiit eqqaanni ukioq kaajallallugu. Illoqarfinni nunaqarfinnilu aallaasip atorissaanut qinnuteqaqqaartoqasaaq, inoqarfiit iluanni aallaasersorneq inerteqqutaammat.

Sulloqqortussutsinut piumasaqaatit: Aallaasit sulloqqortussutsit akuerisat minnerpaaffiat cal. 17HMR-iuvoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taamaammat kommuni najugaqarfigisat saaffigiuk.

Pisarineqartut	2016	2017	2018	2019	2020	2021	2022
Tamakker-lugit	962	1.093	911	660	673	697	576

Kalaallit Nunaanni ukallit eqqissimatitaanerat pillugu Namminersorerullutik Oqartussat nalunaarutaat nr. 19, 17. maj 1989-imeersoq.

Piniarnissamut piffissaliussaq: Aggustip aallaqqaataaniit apriliip 30-iat ilanngullugu.

Sulloqqortussutsinut piimasaqaatit: Timmiarsiut, qoorortuaraq aamma qoorortoog nalinginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pil-lugit malitarisassat kommunip ileqqoreqqusaatigut allaanerusinnaapput. Taamaammat kommuni najugaqarfigisat saaffigiuk.

Pisarineqartut	2016	2017	2018	2019	2020	2021	2022
Tamakker-lugit	2.402	2.092	1.527	1.583	1.710	1.374	1.024

Amaqput illersugaanerat piniagaanerallu pillugit Namminersorlutik Oqartussat nalunaarutaat nr. 33, 11. september 2020-meersoq.

Amaqput eqqissimatitaalluinnarput taamaallaallu aqutsiveqarfinni Qaanaaq aamma Ittoqqortoormiit piniarneqarsinnaallutik.

Piniarnissamut piffissaliussat: Amaqput aqutsiveqarfinni Qaanaami aamma Ittoqqor-toormiini atuuttumik inuussutissarsiutigalugu piniarnermut allagartalinneq ukioq naallugu piniarneqaaqusaapput.

Sulloqqortussutsinut piimasaqaatit: Qoorortoog minnerpaamik cal. .222 sulloqqor-tussusilik.

Malugiuk: Amaqput Kalaallit Nunaata sinnerani eqqissimatitaapput.

Kommunimi ileqqoreqqusat

Kommunini ileqqoreqqusaliat arllallit pigineqarput piniarnermik malitarisassanit su-kannernerusinnaasut. Taamaattumik kommunimut angerlarsimaffigisannut saaffigin-nigit ileqqoreqqusat sorliit kommuninni atuunnersut paasiniarlugit. Assersuutigalugu nunatsinni kommunit ilaanni makkununga tunngasuni ileqqoreqqusaqartitsisoqar-poq; puisinniarneq, puisinut qassusersorneq, timmiarniarneq, qilalukkanut qaqor-tanut qernertanullu qassusersorneq, qilalukkanut qernertanik piniarneq, arfernik pilanneq aamma assartuutitut pillugit ileqqoreqqusaliat.

NAJUKKANNI PINIARNERMUT AALAJANGERSAKKAT PILLUGIT APEQQUTIT

Najukkanni piniarnermut aalajangersakkat nalornissutigigukkit kommunimi inuussutissarsiornermut siunnersorti aperisinnaavat imaluunniit Aalisarnermut Piniarnermullu Naalakkersuisoqarfimmi Piniarnermut Aallaaniarnermullu Immikkoortortaqaarfik piniakkat killilersukkat killilersugaanngitsullu pillugit aqutsinermik akisussaasusooq.

Kommunip najugarisanni piniarnermut tunngasorpassuarnik akissuteqarfigisinnaavaatit, soorlu najukkanni piffissat piniarfiusut atuuttut pillugit, uumasunut killilersukkanut akuersissummik qanoq pissarsisoqartarnera, uumasunik killilersukkanik immikkut nalunaarsuiffiit immersorneqarnissaat allarpassuillu pillugit.

Aammattaaq nittartagaq sullissivik.gl aqcutigalugu piniakkanut tunngasut nalinginnaasumik paasissutissat pissarsiarineqarsinnaapput.

PINIARNERMUT ALLAGARTALERINERMI IMMINUT SULLINNEQ

Ukiumoortumik pisanik nalunaarsuiffik illit nammineq www.sullissivik.gl aqcutigalugu imaluunniit najukkanni Sullissivimmi nalunaarutigisassavatit. APN-imut nassiutissanngilat. Piniarnermut allagartalersuinermit tunngasut taakku marluk aqcutigalugit iserfigisinnaavatit, tasanilu aamma piniarnermut allagartat ukiup ingerlanerani tammaasimagukku anillatseqqissinnaavat imaluunniit pdf-tut toqqorsinnaallugu. Netbank aqcutigalugu akiliisimanermiit uppernarsaatip anillatseqqinnissaa eqqaamassavat.

Piniarnermut allagartamik immikkut akuerineqarnissaq pillugu qinnuteqaatit Aalisarnermut Piniarnermullu Naalakkersuisoqarfiup sulii suliarisarpai.

Piniarnermut allagartat pappiaraq A4-tut angissuseqarpoq. Allakkerivimmi akiliisimaguit eqqaamallugu illit atinnik allaqqasortaliup nassarnissaa. Tassa taanna akiliisimanermut uppernarsaat ilanngullugu piniarnermut allagartaasooq.

**PISAVIT ATAAVARTUMIK NALUNAARSORNISSAANNUT /
FOR LØBENDE REGISTRERING AF DINE FANGSTER**

Qaammat / Måned	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal
Tuttu / Rensdyr												
Umimmak / Moskusokse												
Ukaleq / Snehare												
Terianniaq / Polarræv												
Niisa / Marsvin												
Anarnaq / Døgling												
Aarluarsuk / Hvidskæving												
Aarluarsuk qaqor- tumik siggulik / Hvidnæse												
Niisarnaq / Grindehval												
Natseq / Netside (Ringsæl)												
Natseq qassutinik / Netside m/garn												
Aataaq / Sortside												
Allattooq / Blåside (ung Grønlands- sæl)												
Natsersuaq / Klapmys												
Ussuk / Remmesæl												
Nanoq / Isbjørn												
Aaveq / Hvalros												
Qilalugaq qerner- taq / Narhval												
Qilalugaq qaqor- taq / Hvidhval												
Taateraaq / Ride												

Tulugaq / Ravn													
Appa / Polar lomvie													
Appa sigguttoq / Atlantisk lomvie													
Aqisseq / Fjeldrype													
Serfaq / Tejst													
Miteq / Edderfugl													
Alleq / Havlit													
Miteq siorakitsoq / Konge-edderfugl													
Qeerlutooq / Gråand													
Nerlernaarsuk / Canadagås													
Nerleq siggukitsoq / Kortnæbbet gås													
Nerlernarnaq / Bramgås													
Kangoq / Snegås													
Oqaatsoq / Skarv													
Tuullik / Islom													
Naajaannaq / Hvidvinget måge													
Naajarluk / Svartbag													
Naajarujuusuaq / Gråmåge													
Qaqulluk / Mallemuk													

PISARISUUKKAT / BIFANGST

Qaammat / Måned	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal
Appa / Polar lomvie												
Appa sigguttooq / Atlantisk lomvie												
Miteq / Edderfugl												
Miteq siorakitsoq / Kongeedderfugl												
Uumasooq alla / Anden art, specificer												
Puisit / Sæler												
Arferit mikisut / Små hvaler												

MANNIIT / ÆGINDSAMLING

Qaammat / Måned	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal	Ulloq/ Dato	Qassir/ antal
Appaliarsuup manni / Søkonge æg												
Naajarluup manni / Svartbag æg												
Naajarujussuup manni / Gråmåge æg												
Qaqulluup manni / Mallemuk æg												
Naajaannaap manni / Hvidvinget måge æg												

PISSATAT ANNAASALLU / ANSKYDNINGER OG MISTEDE FANGSTER

Uumasup suunera allaguk / Angiv art

Qaammat / Måned	OKT	NOV	DEC	JAN	FEB	MAR	APR	MAJ	JUNI	JULI	AUG	SEP

Ateq / Navn CPR-nr. Ulloq / Dato

Qaammat / Måned	OKT	NOV	DEC	JAN	FEB	MAR	APR	MAJ	JUNI	JULI	AUG	SEP
Tuttu / Rensdyr												
Umimmak / Moskusokse												
Ukaleq / Snehare												
Terianniaq / Polarræv												
Niisa / Marsvin												
Anarnaq / Døgling												
Aarluarsuk / Hvidskæving												
Aarluarsuk qaartumik siggulik / Hvidnæse												
Aarluk / Spækhugger												
Niisarnaq / Grindehval												
Natseq / netside (Ringsæl)												
• Natseq qassutinik / netside m/garn												
Aataaq / Sortside												
Allattooq / Blåside (ung Grønlandssæl)												
Natsersuaq / Klapmyds												
Ussuk / Remmesæl												
Taateraag / Ride												
Tulugaq / Ravn												
Appa / Polar lomvie												
Appa sigguttooq / Atlantisk lomvie												
Aqisseq / Fjeldrype												
Appaliarsuk / Søkonge												
Serfaq / Tejst												
Miteq / Edderfugl												
Alleq / Havlit												
Miteq siorakitsoq / Kongeudderfugl												
Qeerlutooq / Gråand												
Nerlernaarsuk / Canadagås												
Nerleq siggukitsoq / Kortnæbbet gås												
Nerlernarnaq / Bramgås												
Kangoq / Snegås												
Oqaatsoq / Skarv												
Tuullik / Islom												
Naajaannaq / Hvidvinget Måge												
Naajarluk / Svartbag												
Naajaruussuaq / Gråmåge												
Qaquulluk / Mallek												

Pisarisuukkat / Bifangster

Qaammat / Måned	OKT	NOV	DEC	JAN	FEB	MAR	APR	MAJ	JUNI	JULI	AUG	SEP
Appa / Polarlomvie												
Appa sigguttooq / Atlantisk lomvie												
Miteq / Edderfugl												
Miteq siorakitsoq / Kongeudderfugl												
Uumasooq alla / Anden art, specificer												
Puisit / Sæler												
Arferit mikisut / Små hvaler												

Manniit / Ægindsamling

Qaammat / Måned	OKT	NOV	DEC	JAN	FEB	MAR	APR	MAJ	JUNI	JULI	AUG	SEP
Appaliarsuup manniit / Søkongæg												
Naajarlupu manniit / Svartbagæg												
Naajaruussuup manniit / Gråmågeæg												
Qaquulluup manniit / Mallekæg												
Naajaannaap manniit / Hvidvinget mågeæg												

Pissatat annaasallu / Anskydninger og mistede fangster

Uumasup suunera allaguk / Angiv art

Qaammat / Måned	OKT	NOV	DEC	JAN	FEB	MAR	APR	MAJ	JUNI	JULI	AUG	SEP

Pisaqanngilanga (krydsileruk) / Ingen fangst (sæt kryds):

